



# VIII EDICIÓN DA ESCOLA MUNICIPAL DE VERÁN



## Datas de realización

23, 24, 25, 26, 29 e 30 de xuño de 2009

## Lugar

CEIP López Ferreiro, Pío XII, Fontiñas e Colexiata de Sar

## Información

Departamento de Educación

Rúa do Vilar, 13 -1º

Tfno.: 981 554 400 /401 Fax: 981 571 511

[dptoeducacion@santiagodecompostela.org](mailto:dptoeducacion@santiagodecompostela.org)

[www.santiagodecompostela.org](http://www.santiagodecompostela.org)

# ESCOLA MUNICIPAL DE VERÁN

**Datas de realización:** 23, 24, 25, 26, 29 e 30 de xuño de 2009

**Lugar:** López Ferreiro, Pío XII, Fontiñas e Colexiata de Sar

A proposta de actividades da Escola de Verán constitúe unha oferta para o ocio e o tempo libre da cidadanía máis nova, nunhas datas nas que as familias demandan novas propostas de dinamización para os seus fillos e fillas no tempo non escolar. Estes recursos de lecer para o verán son diferentes, atendendo ás características organizativas, ás idades, tamaño do grupo, entre outros. Todos responden a un obxectivo que dá coherencia á oferta: a existencia dun programa educativo e de lecer nunha época e cunhas características moi determinadas que dea continuidade á proposta cultural e educativa coa que conta o Departamento de Educación do Concello de Santiago de Compostela ao longo do ano.

Ademáis, esta iniciativa tenta rendibilizar os equipamentos escolares como espazos de aprendizaxe no tempo de verán atendendo á súa distribución territorial, onde os nenos e as nenas poidan expresarse libremente, relacionarse e compartir.

Entre os obxectivos que se pretenden alcanzar con esta proposta, destacamos:

## OBXECTIVOS

- ❖ Ofrecer un espazo de encontro e de lecer para os rapaces e rapazas cunha oferta pensada especialmente para eles/as e para as familias neste tempo de vacacións.
- ❖ Promover a sensibilidade artística dos nenos e nenas, potenciando o desenvolvemento imaxinativo e creativo.
- ❖ Descubrir as posibilidades educativas da cidade e aproveitar os recursos que esta nos proporciona, que leva á promoción do tempo libre con xogos e con actividades de utilización didáctica da cidade, dos seus equipamentos, das rúas, prazas e parques como espazos axeitados para esta

experimentación e como lugares de encontro, interrelación, liberdade e creatividade, na perspectiva da consecución da cidade educadora.

### TIPO DE ACTIVIDADES

En función do número de participantes, configúranse dúas propostas diferenciadas e complementarias:

**Módulo A;** de estrutura fixa, na que se definen espazos arredor de obradoiros especializados como:

- *Obradoiros de educación ambiental:* co obxectivo de fomentar prácticas e comportamentos ambientais, organízanse diferentes propostas prácticas como a construción de fornos solares, os roteiros por zonas de interese, etc.
- *Barro:* aproximación ás técnicas de modelado en barro e a elaboración de pezas elementais.
- *Cociña:* na que poderán aprender e realizar sobremesas frías, ensaladas, batidos, bocadillos, pan e pastas, entre outros.
- *Artes plásticas:* a pintura, o debuxo, o papel *maché*, entre outras, son as diferentes técnicas empregadas neste espazo de expresión artística que contribúe a desenvolver a sensibilidade estética.

**Módulo B;** complétase a proposta coas seguintes actividades:

- Itinerarios pola cidade: a Alameda, o Carme de Abaixo, o río Sarela, os arredores de cada centro de ensino, son espazos para gozar e de aprendizaxe medioambiental.
- Grandes-xogos e actividades deportivas, nas que terán a oportunidade de perfeccionar habilidades, a súa técnica en deportes e iniciarse noutros máis novidosos.
- Xogos populares e tradicionais: a corda, o trompo, o aro, o diábolo, entre outros, permitirán o entretemento e a recuperación destes xogos tradicionais.

## CRITERIOS DE PARTICIPACIÓN

Teñen por obxecto establecer os dereitos e os deberes dos participantes neste programa municipal:

**1. Poderá participar calquera neno ou nena con idades comprendidas entre os 6 e os 12 anos.**

Os/as nenos/as de 5 anos poderán participar sempre e cando un/unha irmán/á tamén estea inscrito/a e asista ás actividades diarias do centro.

1.1 No CEIP das Fontiñas habilitarase un espazo adaptado para nenos e nenas de 3 a 5 anos.

**2. Establécese un límite de prazas por centro, de acordo coas características do programa.**

CEIP As Fontiñas:

Nº de participantes máximo: de 6 a 12 anos = 100

Nº de participantes máximo: de 3 a 5 anos = 40

CEIP Pío XII:

Nº de participantes máximo: de 6 a 12 anos = 80

CEIP López Ferreiro:

Nº de participantes máximo: de 6 a 12 anos = 100

CEIP Colexiata de Sar

Nº de participantes máximo de 6 a 12 anos = 50

Os criterios de participación serán por orde de chegada diaria ata cubrir o aforo establecido e se é o caso, cada familia recibirá información para que poda desprazar ao neno/a ao centro máis próximo, responsabilidade de información que lle corresponde ao monitor/a que o atende.

**3. Para poder participar no programa é obrigatorio que un adulto cubra a ficha de participación,** que deberá entregar no espazo de recepción o mesmo día que asistan ás actividades. Naqueles casos nos que participen de forma continuada nun mesmo centro, cada día deberá amosar o carné e indicar a persoa responsable que pode recoller ao menor. No caso daqueles nenos/as que se despracen sós, é obrigatorio cubrir e entregar asinada a autorización pertinente na secretaría da Escola Municipal de Verán do centro correspondente.

**4. A participación é de balde e de libre elección;** é dicir, pódese participar na programación completa e diaria dun centro ou ben en talleres concretos de acordo coa dispoñibilidade de prazas en cada momento.

5. **As actividades darán comezo ás 9.30 h. e finalizarán ás 13.30 h**, polo que a responsabilidade do control e coidado dos participantes polos monitores/as responsábeis, comprenderá esa franxa horaria.
6. **O/a participante poderá ser dado de baixa** no programa por algunha das circunstancias seguintes:
1. Por incumprimento da idade.
  2. Por comprobación de falsidade nos documentos ou datos achegados.
  3. Por incompatibilidade ou inadaptación absoluta para permanecer no centro.

As baixas comprendidas nestes apartados resolveraas, unha vez oída o coordinador xeral do programa no centro e os representantes legais do neno/a, o Departamento de Educación do Concello de Santiago.

7. **A inscrición no programa supón a aceptación e o compromiso destas normas.** O incumprimento das mesmas dará lugar á perda do dereito ao uso e disfrute deste programa municipal.

## **DATOS TÉCNICOS**

### ▪ **Datas de celebración**

23, 24, 25, 26, 29 e 30 de xuño de 2009

### ▪ **Espazos de celebración**

CEIP López Ferreiro, Fontiñas, Pío XII e Colexiata de Sar.

### ▪ **Horario**

De 9.30 h a 13.30 h

### ▪ **¿A quen se dirixe? :**

A nenos e nenas de entre 3 e os 12 anos.

Os/as nenos/as de 5 anos poderán participar sempre e cando un/unha irmán/á tamén estea inscrito/a e asista ás actividades diarias do centro.

No CEIP das Fontiñas habilitarase un espazo adaptado para nenos e nenas de 3 a 5 anos.

### ▪ **¿Quen fai a actividade?:**

Monitoras e monitores das asociacións e colectivos con experiencia como dinamizadores sociais:

- Centro Don Bosco
- Asociación Xuvenil de Cruz Vermella

- Asociación para a Defensa Ecolóxica de Galicia (ADEGA)
- Fundación Fesan

## INFORMACIÓN E INSCRIPCIÓN

- **Forma de inscrición:** mediante o impreso correspondente que deberá entregarse no espazo de recepción do propio centro escolar, ao inicio das actividades.
- **Prezo da actividade:** de balde.
- **Información:**  
Departamento de Educación e Xuventude  
Rúa do Vilar, 13 -1º  
Tfno.: 981 554 400 – 401 Fax: 981 571 .511  
[dptoeducacion@santiagodecompostela.org](mailto:dptoeducacion@santiagodecompostela.org)  
[www.santiagodecompostela.org](http://www.santiagodecompostela.org)